

DEO DUCE!

DISSERTATIONEM PHILOSOPHICAM,

De

DEPENDENTIA
CAUSARUM SE-
CUNDARUM

CAUSA PRIMA

IN FIERI, ESSE ET OPERARI,

Cum Suffragio Ampl. FAC. PHIL. in Illu-
stri & inclyta Academia Aboënsi,

SUB PRÆSIDIO,

VIRI PRÆCLARISSIMI

DN. GABRIEL

JUSLENII,

Log. & Met. Prof. Reg. & Ord.

Candidæ Philosophiæ nejori modestè sicut


MATTHIAS LIMNANDER

Helsingf. Nylandus,

Die, si DEO videtur, 22. Maii An. M.DCC.VI.

In Auditorio Maximo horis solitis.

Exc. Jo. WAL.



S.^Æ R.^Æ MAJESTATIS
Summæ Fidei VIRO,
IN CHRISTO
REVERENDISSIMO PATRI ac DOMINO,
DN. DAVID

Lund/

S.S. Thologiæ DOCTORI longè
Celeberrimo,
Diœcœseos Wiburg. EPISCOPO
Eminentissimo,
Consistorii Ecclesiastici PRÆSIDI
Gravissimo,
Mæcenati & Patrono Summo
reverentiæ zelo ætatem
devenerando,
ANNOS SEROS ac OMNIGE.
NAM FELICITATEM!

Ad postes cellos, Antistes Magne Sa-
crorum,
Prorepit motu trepido mea chartula vilis,
Quam gracilis præpesque enixa est nostra
Thalia,
Utpote quam fato fors indiga vexat iniquo.
Obsecro ter supplex, Excellentissime PRÆSUL,
Lumina sustineas TUA milia dejici in illam;
Tessera quæ sanctæ pietatis firma manebit,
Quâ PATER in CHRISTO, TE etatem
devenerabor.
Spe quoque delineor, TE hanc non contemnere
Musam,
Incomto quamvis se nunc ferat ista cothurno.
Decantatur enim dulcis TUA gratia latè,
Quæ curvis vero patula est Heliconis alumno.
Gratulor at tantum nobis nostrisque Camanis,
Gratia queis Cœli facundum misit Aronem,
Pontificem verè cordatum, religiosum,
Humanum, comem, justi rectique tenacem.
Hoc donum gratum seros bene servet in annos,
Gratia Cœlestis! quâ nobis cessit id ipsum.

Sic

Sic vdeo atque vobent mecum Viburgica
Templa,
Harmonico plausu hoc sibimet gratantia mu-
nus.

Sic vdeo sancte devote ex pectoris antro!
Et vita spatium sancta pietate manebo,

IN CHRISTO PATRIS
mitrâ lituoq; decori

*Servus submissus cultusq;
clientulus omni*
Matth. Limnander.

*Admodum, plurimumque Rebus
VIRIS ac*

Dn. Dn. in Regio Gymnasio Wiburg.

S.S. Theol. LECTORIBUS dexter-
rimis, CONSISTORIALIBUS æ-
quissimis, Promotoribus submisso ob-
servantiæ zelo perpetim devenerandis.

Dn. M. ARVIDO ALOPÆO,

Pastori Borgoënsium & Ecclesiarum
annexarum Præposito gravissimo,
Mœcenati & Benefactori submissâ
mente colendo.

Dn. JACOBO PRINTZ,

Pastori & Præposito in Pyttis & Eli-
må meritissimo, fautori perofficio-
sâ mente colendo.

Dn. NICOLAO BURTZ,

Pastori in Syssmå dignissimo, Fauto-
ri & benefactori perofficiole vene-
rando.

ANNOS ET

*dis item ac Praeclarissimis
DOMINIS*

Dn. M. ANDREÆ IGNATIO,
Ecclesiæ Helsingforsensis Pastori &
annexæ Præposito diu meritissimo.
Fautori quovis officio jugiter sus-
piciendo.

Dn. PETRO SERLACHIO,
Pastori Pernoënsium vigilantissimo
& adhærentium Ecclesiarum Præ-
posito meritissimo, Nutritio & Bene-
factori ut indulgentissimo, ita quovis
observantiæ cultu nunquam non pro-
sequendo.

Dn. Dn. Gymnasii Wiburg. Philos:
LECTORIBUS meritissimis, Consistorii
ADSESSORIBUS dignissimis, Benefacto-
ribus & Promotoribus omni officio-
rum cultu nunquam non colendis.

Dn. ABRAHAMO CARSTENIO,
Scholæ Helsingforsensis Rectori so-
lertissimo, fautori perofficiose co-
lendo.

FAUSTA QUÆVIS!

Patroni magni Promotoresque per ampli,
Excipite has macras pagellas fronte se-
renâ,
Quæ Vestras ades ascendunt poplite flexo,
In signum mentis gratae, quâ Nomina Ve-
stra,
Submissè veneror, benefactaque magna re-
volo,
Quis semper memet mactastis mente be-
nignâ.
Nec dubitare finit me spes bona, quin etiamnum
Me Vestrum servum refovet grata aura
favoris
Per dulcis Vestrî ac mitis; sed Numen
adore
Summum, dignetur Vestræ benedicere vita!

Admodum & Plur. Reverendorum
Ut &
Præclarissim. Vestr. Nominum

Observantissimus
cultor

Matth. Limnander.



PROLOGUS.



N crimen atheismi non
immerito si vocantur, qui
machinam eosius bujus
universi pulcherrimam, for-
tuco aeternorum concursu
coaluisse, tamque caco fortuna imperio regi-
non sine ratione in transversum rapit, autu-
mant. Est enim magnificum bujus mundi o-
pificium (non huper unanimi eruditii orbis sus-
fragio, liber natura salutatum) cui speculum,
nisi dissimum, in quo Ens summum, infinitum,
eminentissimum, independens, primam omni-
um rerum causam & auctorem, sustentatorem
& administratorem, supra omnia & ab omnibus
creaturis venerandum Numen, cui libet natura-
lis conditionis relido & non aut praconcepia
opinione erronea, aut pravo affectu prepedato,
cernere licet. Ubidis sane locorum, & quoro-
rum oculorum aciem flectere placet, infinita
causa Prima potestia Sapientiaeque pleno quasi

jubare cuiusvis obvia res fulgent, dum modo mensis acie totum hoc universum illustrare, quaque in eo sunt planè admirabilis, paulo aleius contemplari sufficiuntur. Ego dum animo versabam meo, circa quod inter eos senioris Philosophiae argumenta, Specimen aliquod Academicum ederem, hoc quod charta satis praesens, visum est mihi præstantissimum, cui præcipue operam impenderem. Verum cum tanta sit bujus argumentis sublimitas, ut etiam summos suā amplitudine defatiget viros, necessum habeo faciri, me non pro suā dignitate hoc thema pereractasse, utpote quod non rationem, sed virum ingenii probe subiecti & consummatione eruditionis requirit. Interim ramen prævenitatem ingenii mei Tractatione temporis, nonnulla, & ut arbiteror, præcipua, qua sub schematis bujus tractacionem venire queunt, ab idoneis quibuscumque, auditoribus collegi, non ramen nescius, etiam plurima que ad ventilationem bujus tam sublimis materie pertinarent, vel à me prætermissa, vel minus aperte concinnata esse. Velis itaque, Cantide Lector, ea qua à me fessinanti & plerumque interrupro calamo pro modulo ingenii breviter hec sunt congregata, qui bonique consubere. Hoc est quod summa animi observantia te rogatum volo, interim

DEUS ANNUE COEPTE!

MEMBRUM PRIMUM.

S. I.

N frontispicio evolutionis thematis hujus, dum occupamur, *complexi*, operæ pretium nobis minimè videtur, expositionem ὀνομαζόμενην terminorum attingere; eā itaque consultò omissâ, tractatōdem προχυματικὴν dependentia causarum secundarum à causâ Primâ explicis, ad dūctum γνησίως Φιλοσοφίων aggredimur. Fundatur nempē dependentia hæc in tripli creaturarum imperfectione seu indigentia; cum enim omnis creatura non sit Ens purè actuale, sed actus impurus, adeoque, sub esse possibili esse potest, aliquando etiam fuerit, ad actualitatem igitur, quam habet postquam actus est, devenire nequit, nisi extrahatur primum ab alio de potentia objecliva, hoc est è Statu isto possibilitatis. illa autem creaturæ de non esse ad esse traductio fit per creationem, adeoque sic dicitur dependere à DEO in fieri, eoque modo occurritur primæ indigentiae seu imperfectioni. Cum verò,

præterea esse actuale cujuslibet creaturæ ita sit comparatum, ut nisi ab aliquo sustentetur, illico corruiat, ac ne ad momentum quidem persistere valeat, idcirco necessarium est, ut accedat actus DEI conservativus, per quem in statu entitatis conservetur; quod cum sit, conservari dicitur & à DEO dependere in esse, & sic subvenitur secundæ indigentiaz seu imperfectioni. Denique, ut nec se ipsam producere valet creatura, nec ex se sufficit, ut persistat in esse accepto, ita multò minus sufficit, ut ex se & per se sola operetur. Hinc etiam huic indigentiaz succurrit DEUS cooperatione suâ seu concursu, quod dum sit, dependere dicitur creatura à DEO in operando. vid. Heerbord. disp. sel. 17. Et Pascha Ontolog. p. 400.

§. II.

Videlicet *Dependentia causarum Secundarum à Causâ Prima* in fieri (quæ ratione ordinis & instituti hic primò venit Iustranda) nihil aliud est, quam creatio sumpta passiva, ipsumque fieri creaturæ acceptum, quoad dependentiam sui, à volitione Divine. Quod itaque res mun-

danæ

danæ in universum omnes, nullâ earum exceptâ, aliquando sint productæ, vel inde paret, quod si aliqua earum esset improducta, esset quoque independens, simul & infinita, summe perfecta & æterna foret, & ita porro reliquis attributis Divinis gauderet, quæ ex independentia dimanant, adeoque, sic non aliqua res mundana, sed ipse DEUS existeret: quod vero de nulla re mundanâ, nedum pluribus aut cunctis asseverari posse, apud omnes est in confessio. Unde manifestè consequitur, erro-neam eorum esse sententiam, imò errorem ad lucem meridianam *caligantium* fanaticum, qui mundum sine conditore ac artifice ex fortuito atomorum concursu ortum esse, ferunt. Ita namque statuit Epicurus, secutus Leucippum ac Democritum, extitisse olim, *antequam mun-dus hic fieret*, innumera corpuscula, raro minuta, ut nulla sit acies ferris tam subtilis, quâ secari ac dividî possint (unde illis nomen imposuit atomorum i. e. indi-viduorum corpusculorum) Et levia Et aspe-ra Et rotunda, Et angulara, hamata, quæ temere ac irrequietis motibus per inane-s suum vacuum hic arque illuc volitarint;

xumque ad eò, cùm elementorum principiis
 xumque arque seminum, fortuito concursu
 ac coitione concreverit hic mundus, orta-
 que sint & animalia & arborea, & her-
 bæ, & aquæ, & ignis, & universa; ut
 Lactantius effoneam hanc Epicuri Sen-
 tentiā allegat l. de ita DEI cap: 10. Ad
 quam idem Lactantius ita respondet l. c.
 primum minuta illa semina, quorum con-
 cursu fortuito rotum evisse mundum lo-
 quuntur, quis vidit unquam? quis sen-
 sibz? quis audivit? an solus Leucippus
 aëulos habuit, solus meneam? quâ ic. eo-
 rum seminum per vacuum & inane cir-
 cumvolutionem & ad mundum effabri-
 candum concretionem ad tantum retro
 temporis intervallum prospicere poruit.
 Potest etiam merito cum Lactantio insti-
 tui quæstio de ratione nec non origine
 istorum seminum, si enim ex illis sunt o-
 mnia, ipsa igitur unde esse dicemus? opon-
 et itaque eadem esse aut producta aut im-
 producta, si producta, à quo nisi à DEO
 illa fabricata dixerimus; si vero DEUS ea
 condidit, quid erit causæ, quod DEUS
 materiam quidem mundi condendi suppe-
 ditat, illius vero structuræ abstinuerit?

sed improducta eadem quis assertere voluerit, erunt sane infinita in essentia, æterna & consequenter ipsi Dei, quo quidem nihil absurdius dici aut excogitari potest. Constat insuper atomos istas sensus ac rationis fuisse experies, quo igitur consilio, (dixeris iterum cum Lactantio ex loco allegato) quâ ratione, de confusione asservo se atomi congregaverunt, ut ex illis inferius terra conglobarentur, calum desuper tenderetur, tantâ siderum varietate distinctum, ut nihil unquam excogitari possit ornatus. Idem Lactantius l. 3. inst. c. 17. ita loquitur. Quo sedere ea inter se, quâ mente conveniunt, ut ex his aliquid constituantur? Si sensu carent, nec coire tam dispositè possunt, quia non potest quicquam rationale perficere, nisi ratio. Quilibet cui sanum principium, hanc ipsam spontanem mundi ex fortuito atomorum concursu concretionem indubiae falsicatis haud difficulter arguet, dum eandem plecto rationis usum ruminatur. Scire letis in hanc rem loquitur etiam Cicero l. 2. de nat. Deor. c. 37. hoc modo: Si mundum efficer possit concursus atomorum, aut potissimum, cur semplum, cur domum,

*car urbem non posset? quæ sunt minus
operoſa, & multò quidem faciliora. Pro-
fectio non appetet, quā ratione potuerit
quidquam, ex tam innumeris corpusculis
realiter distinctis, naturā contextum esse
& compositum, ut tamen non extiterit, à
quo illud, per illorum corpusculorum con-
textum, fuerit productum.*

§. III.

Dependentiam creaturarum à DEO in-
fieri etiam evincit primorum indivi-
duorum interitus, tum cæterorum ab iis
protectorum ortus in quovis generantium
ordine. Quod ortum concernit indivi-
duorum à primo individuo protectorum,
constat sanè, individua eujuscunque spe-
ciei in ordine generantium, beneficio ge-
nerationis suum accepisse esse, quin & no-
va quotidie à causa generante producta,
oriri, qui suppleant defectum, qui ex pristi-
norum interitu contigerit. Hinc non re-
liqua tantum individua, quæ præteritis
temporibus in iisdem speciebus antecesse-
runt, sed ipsa quoque prima cujusque spe-
ciei individua orta non minus arqve facta
quondam esse, firmiter colligimus. Qvip-

pe si nonnulla , aut saltem prima illorum individua non etiam facta fuissent , sed à se ipsis extitissent improducta , tom ut potè independentia & absolute necessaria , essentiam non cum cæteris specie eandem , sed longè ab iisdem diversam , ceu multo præstantiorem habuissent , quod contra hypothesis. Deinceps , quoniam prima illa specierum individua jam dudum ex naturæ conditione interierunt , sicut & cætera ita per naturam ad interitum propendere advertimus , adeo ut , si non aliunde , seu fieri quandoque solet , destruantur , ipsa demum quasi sponte sua esse desinant : id rursus est argumento , ea non absoluta existendi necessitate fuisse gavisa , sed quandocunque & quamdiu extiterint , merè contingenter extitisse , atque ita adeò , ut quemadmodum jam dia non extiterunt , sic & olim per omnem sui durationem potuerint etiam prorsus non existere , ac consequenter , ut , quod extiterint , tamen id habuerint aliunde , per ipsam sui productionem sc. à Causâ Prima . Quemadmodum de hoc egregiè differit acutissimus Donatus Inst: Pneum. Part. Spec, cap. 3.

S. IV.

HOc proporro adsticuit *Impossibilitas Processus causarum in infinitum in via causalitatis, item absurditas circuli in productione rerum.* Processum causarum in infinitum vocant cum res, quae alioquin effectum substantialem produxit, etiam ab alia producte afferatur, & haec rursus ab alia sit profecta. Jam ejusmodi progressum, in causis in infinitum esse impossibilem vel hoc est argumento: videbitur, quod si processus iste causarum in infinitum obtineret, nunquam sisteretur in aliquo improducto, nec possibile esset quidquam reperi in cuncta rerum universitate, quod non item esset effectum & aliquam sui causam ante supponeret, adeoque sic oportet actu dari multitudinem rerum infinitam, quam pari modo esse impossibilem, Clarissimus Donatus l. c. inter alia hoc ostendit ratiocinio: Ponamus Ex. gr. dari actu homines numero infinitos, aut erunt ultra istos adhuc alii possibles, aut nulli, si non sunt, nemmo hominum generare amplius hominem queat, quod rationi consonum & expre-

„ experientiae contrarium, si sunt possibi-
 „ les, poterit ille numerus hominum aliis
 „ addendis augeri, & deoque nondum fuit
 „ infinitus. Tum si detur hominum mul-
 „ titudo infinita, erit sanè multitudo o-
 „ culorum, & multitudo manuum & pe-
 „ dum, qui dantur in istis hominibus,
 „ ipsa infinitate duplo major, & capillo-
 „ rum multitudo millicuplo & ultra ma-
 „ jor, dabiturque proinde infinitum alte-
 „ rum altero minus, & alterum altero
 „ majus, sic ut majus mensurari a mi-
 „ nori aliquoties possit, quo nihil absurdius.
 Nec *circulus* in *productione rerum*, sine
 periculo summæ absurditatis potest admitt-
 ti, qui in eo consistit; sc. cum res quæ
 aliam produxit, ipsa vicissim ab hac pre-
 dicta statuatur, sive immediatè & per u-
 niam generationem, sive mediatè & post
 multas demum generationes seu produc-
 tiones. Jam hujusmodi circulum esse im-
 possibilem, vel hæc evincit ratio: Si res
 una fieret ab alia, saltem remotè ac me-
 diate a se profecta, tum mediate & re-
 motè se ipsam efficeret, adeoque sic simul
 & esset, & non esset; esset quia produ-
 ceret aliam, non esset, quia demum ab

illa alia re, quam produxit, licet remote ac mediate, diu nempe post esset efficienda. Quin imò quod res mundanæ omnes, causæ alicui primæ & quidem infinitæ suam debent originem, arguit insuper haud obscure rerum productarum interna constitutio & habitudo; nam si quis altius apud animum consideret, quam affabre & eleganter res quævis ex partibus suis sint concinnatæ, quæque partium singularum munia, quæ item vires ac operationes, non potest non aperite intelligere a virtute infinita isthæc esse profecta. Utī Augustinus lib: 2 de civit: Deor. c. 4, inquit: Exceptis Propheticis vocibus, mundus ipse ordinatissima sua mutabilitate & mobilitate ac visibilium omnium pulcherrima specie, quodammodo tacitus & secessum esse, & non nisi a Deo fieri potuisse proclamat.

MEMBRUM SECUNDUM

§. I.

Perlustrata sic dependentia cause secunda à Causa Prima in to fieri, evolutioni dependentiæ cause secunda à Causa Prima in to esse, ratio ordinis & insti-

instituti nosmet accingi jubet. Est nempe
dependentia creaturam a Deo in eis,
 nihil aljud quam conservatio passim sum-
 pta ipsaque permanentia creature in ex-
 stendo, secundum sui dependentiam a voli-
 tione divina; adeoque sic res creatæ in
 præsens dicuntur conservari a Deo, non
prohibitive & *indirecte* sc. per remotionem
 contrariorum, quatenus Deus non in-
 fluit in ipsum esse, quod conservatur, sed
 in aliquid extrinsecum, puta, quod rei
 contrarium est, talis enim remotio & de-
 pulsio contrariorum, non proprie, *directe*
 & *formaliter* est conservatio, qvin po-
 trius actio, circa quam ex accidente sequi-
 tur, ut res jam existens aliunde non læ-
 datur & corrumptatur. Nec *positive*, qua-
 tenus hoc sit *mediate* & *tremore*, sc. per
 influxum in dispositiones naturales, ut
 maneat proportionatæ naturæ illi quæ
 conservanda est, & sine quibus etiam non
 posset ejus evitari corruptio. sic Deus
 mediante influxu corporum cœlestium
 conservat & reficit hæc sublunaria in-
 feriora. Sed res productæ dicuntur hic
 conservari *directe immediate* & *formali-*
ter, quatenus Deus reali actione & posi-

tivo influxu facit eas conservari & permanere, sc. continuando suum influxum, quo res primum produxit, sicuti conservatio quoque dicitur *continuata creatio*. Jam dependere maxime res quasvis a Deo in conservari, probat ipsa earundem habitudo, sc. quod secundum totum suum esse a Deo *in ipso fieri* dependent, & quæcunque a Deo secundum totum suum esse dependent in fieri, illæ etiam in facto esse a Deo dependent, siquidem modus essendi non potest esse totæ genere nobilior modo fiendi, præsertim cum esse primum sc. *creatio*, & esse continuum videlicet conservatio, non realiter, sed *ratione ratiocinata* & *conceptibiliter* discrepant, sic ut creationem concipimus, qua confertur rei non dum existenti primum esse, conservationem vero, qua rei jam producitur confertur permanentia seu duratio in essendo, adeoque eadem actio, quatenus immediate ante supponit termini carentiam, dicitur *creatio*, quatenus immediate supponit ejus ante existentiam dicitur *conservatio*.

§. II.

Conservatio rei, quam hic intelligimus, passiva, nihil aliquid est, quam ipsa duratio

ratio rei, juxta prædictum, Notum alias ex Schola Metaphysicorum, durationem certam rei & existentia ejus habitudinem per naturam ipsi competere & realiter cum ea identificatam esse; idcirco fieri omnino nequit, quia, cujus naturam essentiamve Deus voluit ac decrevit, simul & naturalem ejus habitudinem, durationem seu in existendo permanentiam valuerit & velit etiamnum. Perspicuum itaque est, rem nullam permanere in esse suo, etiam ex naturæ habitudine, nisi per voluntatem divinam, atque ita adeò ut ab ipso D E O immediate conservetur. Quod nisi esset, creatura sanè, ubi jam facta, à D E O in esse suo haud amplius dependeret, essetque, adeò in aliquo essendi statu absolute independens, quod extra fortem creaturæ nemo non reputabit. Accedit, quod ratio omnipotentiæ divinæ evincit, rem quamvis creatam à D E O annihilari posse; intelligi autem nequit, quomodo ea à D E O annihilari possit, nisi per suspensionem & subtractionem influxus conservativi, nec enim per actionem positivam id fieri potest, ut potè quæ pro termino non habet nisi rem positivam,

annihilatio verò tendit in non esse simpli-
citer. Unde & corruptio Physica non
est motus positivus , nisi in quantum
exclusa forma una, consecutivè introduci-
tur alia. Et stante hoc, quod annihilatio
consistat in aliquo privativo sc. in sus-
pensione influxus divini rei conservativi,
oportet annihilationi præexistere influ-
xum positivum. Hanc creaturarum à DEO
in conservando dependentiam , insuper
comprobant suo consensu gentilium sa-
niiores ; sic enim Aristoteles lib: de mun-
do cap. 6. inquit : ἡδεμία Φύσις ἀνὴ καθ'
ἐαυτὴν αὐτὰρ καὶ ἐρημωθεῖσα εκ τούτης σω-
τηρίας . nulla est natura, que sibi ipfi suf-
ficiens sit , si DEI conservatione destituua-
tur. Cic. lib. 2. i. de nat. Deor. In mun-
do DEIUS est aliquis , qui gubernat o-
mnia, qui cursum astrorum, qui mutationes
temporum, qui vicissitudines ordinesque
conservat &c.

§. III.

Dictum fuit supra creationem & con-
servationem inter, non dari discrimen
aliquid reale. verum ipsas realiter esse
identificatas , quod sibi ut constet , pau-
cis

cis erit ostendendum; scilicet veram esse
hanc nostram assertionem, adstruit iden-
ticas influxus utriusque, qua posita, ex-
pirat omnis ratio diversitatis realis. Jam
in creatione & conservatione idem est
influxus, idem quoque principium influ-
ens, imo idem & non diversus influendi
terminus. Quod vero influxus vel actio, qua
DEUS influit in esse primum, est eadem,
qua influit in esse continuum vel ex hoc
pater, quod influxus continuus nihil aliud
est, quam permanentia sive duratio influ-
xus primi; permanentia autem sive dura-
tio rei vel actionis non differt *realiter* à
re vel actione cujus est, alias tot essent
conservationes, quot sunt momenta. Acce-
dit, quod permanentia seu duratio non
superaddat novam entitatem rei, nec
ipsam rem tanquam modus oppositus vel
separabilis respicit, unde cognoscitur di-
stinctio realis. Dat quidem conservatio rei
esse continuum & permanationem in influxu
semel inchoato, non tamen esse novum,
nec terminum realiter diversum. Siqui-
dem esse primum creaturæ & esse con-
tinuum est idem esse, & solummodo ut res
durans & duratio differunt. Nec obstat i.
Influxum creasimum esse collationem es-

sentiæ ante non habitæ subitaneam, indi-
 visibilem & statim prætereuntem; conser-
 vationem vero esse collationem essentiæ
 præhabitæ permanentiam, adeoque sic re-
 ale intercedere discrimen inter creationem
 & conservationem; Nam hæc ratio dubi-
 tandi nulla est, siquidem ex diversis præ-
 dicatis non semper debet sumi judicium
distinctionis realis, vel diversitas attribu-
 torum non illico infert distinctionem re-
 alem; potest enim ea provenire ex inad-
 æquatibus conceptibus unius rei. Essentia
 ante nō habita & essentia præhabita diversa
 sunt *connata*, actio vero quæ ad diver-
 sa ista *connata* refertur, est una & ea-
 dem, quæ quoad primum instans à nobis
 dicitur *creatio*, & proinde est indivisi-
 bilis & instantanea, esdem quoque dicitur
conservatio, & proinde suo modo succes-
 siva & divisibilis, in quantum continuatur.
 Patet hoc exemplo solis. Sol gignit lumen
 spargendo radios, & continuando istam
 suam sparsionem radiorum conservat lu-
 men, hic non alia est actio, quā sol gi-
 gnit lumen, & alia quā conservat, sed est
 una & eadem; Ita etiam se res habet in
 creatione & conservatione, ubi *creatio* de-
 notat

notat inchoationem refluxus Divini, conservatio autem significat ejusdem realis influxus continuationem. Nec hinc talis est metuenda sequela: quod, admissa identitate influxus creativi & conservativi *reali*, res creata semper erit in fieri, cum creatio ipsum fieri significet; Quippe *tò esse semper in fieri*; ex rigore verborum quidem connotat primam inceptionem in essendo sive novitatem essendi, & sic verum est, creaturam non esse semper in *continuo fieri*; aliter vero potest significare, *dependentiam actualēm in esse*, & hoc in sensu creature semper fit, hoc est, *actualiter à DEO dependet*, & recipit suum esse per istum actualēm influxum, quo semel producta est à DEO. D. Scheibl: Metaph: I. 2. cap. 3. unde & Scaliger ait Exerc. 31. *Conservationem esse nihil aliud, quam essendi continuationem & quandam veluti perpetuam generationem.*

MEMBRUM TERTIUM.

§. I.

Enucleata sic *dependentia causarum secundarum à Causâ Prima in esse*, incumbit jam nobis, ut de dependenti-

tia eamundem in to' operari, agemus.
 Adeoq; præsupponendum hic esse videtur,
 quod *causa secunda* sive res creatæ ali-
 quid agant, quod nisi esset, DEUS non
 concurreret sive cooperaretur, sed sim-
 pliciter operaretur. Creaturas autem ali-
 quid agere arguit, primo potentia activa
 rebus creatis indica, potentiae enim sunt
 propter actus. Frustra sane DEUS indi-
 difset cuivis creaturæ suas ad agendum fa-
 cultates naturales, quibus mediantibus, se-
 se multiplicare, nutritre aliasque suas fun-
 ctiones exercere debent. Falso scriptura af-
 fereret, arbores pro suâ qualitatis & in-
 dolis diversitate, diversos producere fru-
 ctus, terram germinare herbas, hominem
 & alia animalia generare sibi in specie si-
 milia &c. Falso adhuc hodie diceretur
 ignem urere, aquam frigescere &c. ut-
 potè quod ad sensus nostros patet, sensum
 autem dimittere in iis, que per eum mani-
 festa sunt, est àpposita diabolus, teste Ari-
 stotele. 8. Phys. t. 22. Quinimò negatà
 operatione creaturarum, homo non pec-
 caret, sed DEUS, quoties peccatum in
 eommisione conficit. Et denique sic tol-
 leretur libertas arbitrii, quâ sublatâ,

Deus

DEUS iterum foret causa peccati, quatenus ab eo etiam actiones hominis vitiæ essent producendæ, quod impium est & blasphemum.

§. II.

Supposito, quod res creatæ aliquid agant, inquirendum est nobis, an per se solæ sint sufficietes ad istas suas actiones? atque adeo an etiam DEUS ad actiones illas concurrat? sanè sicut veræ agunt creature, ita & DEUS vere coagit & concurrit ad illarum actiones. Nam sicut in *essendo*, ita & in *agendo* à DEO dependet omnis creature, cum rupugnet modum operandi esse præstantiorem modo essendi, siquidem *modus operandi* semper sequitur modum *essendi*. Tum autem negari nequit, actum effectumque creature non minus, atque ipsum agens esse *entia per participationem*, adeoque sic *entia* creata, & in quantum *agencia*, non minus pendent à DEO, quam in quantum *entia*, quia non minus unâ quam aliâ ratione DEO sunt subordinata. Ergo, dum agunt, non solum pendent, quatenus in eis conservantur à DEO, sed etiam quia id ipso agere per

per se & immediate requirunt influxum DEI, & hoc est quod Arist: aliquando ait: in agentibus per se subordinatis inferius non posse agere sine influxu superioris. lib. 2. Metaph: c. 2. Proportio sicut DEUS est potis rem creatam suo esse privare, per solam negationem influxus conservativi, ita potest rem creatam sua naturali actione privare, per solam negationem conuersus sive cooperationis; & sicut ex priori virtute & potentia DEI colligitur immediata dependensia creaturarum in esse, ita ex posteriori colligitur immediata earundem dependensia in ipsa actione, siquidem conservationem & cooperationem inter erit ratio proportionalis, juxta effatum: *ut res se habet in esse, ita & in operari.* Denique haec ratio militat, sc. quod modus agendi in omnibus & cum omnibus pertineat ad amplitudinem divinæ potentiaz, & ex parte DEI supponit perfectionem sine imperfectione; ex parte vero creaturæ, quamvis dicat imperfectionem, ea tamen est involuta in ipso conceptu creaturæ seu *Entis participari.* vid. Exell. Svarez disp. 2a. sect. 1. n. 11. 12. Atque profectò, si DEUS non concurreret ad actus & effectus

Etas agentium creatorum, forent res quævis per generationem ortæ, ceteraque artis & naturæ opera à DEO independenter & proflus extra sphæram creaturarum, quinimō præstantiores forent suis causis simpliciter à DEO dependentibus. vid. clariss. Donat. Inst. Pneum. pars Specie c. 22.

§. III.

PRæmissa sic demonstratione existentia concursus divini, dilquirendum est, qualis sit iste concursus & quomodo se habeat in ordine ad actiones creaturarum; videlicet non consistit concursus iste vel in concessione, vel in conservatione potentiarum in creaturis activarum, quemadmodum vult Durandus, qui DEUM concurrere ad actus causarum secundarum concessit, verum non per se & immediate influendo in eosdem, sed solummodo rem, quatenus agentibus particularibus primum dedit esse, & facultatem operandi, & adhuc conservat. Verum concursus Divinus consistit in influxu quodam positivo, quem Causa Prima præbet immediate ad effectum actionemque causa secunda

dæ, non quatenus aliquid in *causa secunda*, sed quatenus aliquid cum *causa secunda* efficit, adeoque sic non simplicem quendam ejus influxum, sed coinfluxiam seu cooperationem ejus immediatam cum omnibus creaturis, cum ad actus tum ad effectus earum producendos, inferit: sic ut DEUS per rationem istius concursus cum creaturis simul agendo, eorum effectus revera comproducat; unde DEUS quoque dicitur *Causa Prima & agens universalis*, creaturæ vero *causa secunda & agens particularis* in agendo illi subordinata. Acque hic concurrendi modus dicitur à Philosophis concursus per modum actionis, quatenus sc. DEUS est proximum principium operationis, quæ à *causis secundis* editur, ita ut eadem numero illa sit actio cum actione DEI concurrentis; concursus enim hic intimè & per se includitur in ipsa creaturæ actione, tanquam per se quoque & immediate tendens ad eundem terminum, ad quem tendit actio creaturæ. Utut vero DEUS cum creaturis concurrens sit proximum ac immediatum principium operationis, quæ à *causa secunda* proficiuntur, non tam
 Deus

DEUS ab isto effectu seu actione particu-
lari, ac specifico nomine designatā, deno-
minari potest; siquidem specificatio & de-
termatio ad esse *specificum* actionum
creaturarum, non à principio immediato
universaliter, sed à principio immediato
particulariter est desumenda. DEUS c-
nī ad omnes effectus creaturarum se in-
differenter habet, & eodem modo con-
currīt ad omnes omnino actiones. Quæ
actiones utut simpliciter sint determinatae
ad certam speciem ratione causæ subordi-
natæ particularis, itemque effectus; in
quantum tamen a DEO, tanquam a *causa*
universalis, illimitata est ac indifferens;
neque hoc quidquam in DEO arguit im-
perfectionis, ut existimat Heebord. sic, v.
g. quando DEUS concurrit cum aqua fri-
gefaciente, actio DEI identificatur cum fri-
gefacione, diciturque frigefactio; Quan-
do vero concurrit cum igne calefaciente,
actio DEI concurrentis dicitur calefactio,
adeoque eadem numero DEI actio, qua-
tenus determinatur à diversis principiis
particulariter agentibus, & identificatur
cum influxu causarum illarum particu-
larium, diversam sortitur denominatio-

nem, quæ tamen in se ac præcisè considerata, ac prout est à DEO, tanquam *causa universalis*, non magis est calefactio quam frigefactio; imò calefactio ut calefactio non est à DEO, sed ab igne, similiiter frigefactio ut frigefactio non est a DEO, sed ab aqua, unde nec DEUS calefacere aut frigefacere dicitur, et si actio DEI concurrentis identificetur & cum calefactione & cum frigefactione *identitate numerica*, & eundem terminum seu efficium cum igne calefaciente & cum aqua frigefaciante proximè & *immediate* attingat. Ratio ea est, quia specificatio & determinatio actuum, & quæ ab his dependet, denominatio, non est à *causa universalis* sed *particulari*. Sicuti de hoc egregie differit Acutiss. Pascha p. 409.

S. IV.

Concurrit itaque DEUS in actus effectusve creaturarum influxu immediato, *immediatione cum virtutis, cum suppositi*. Duobis enim modis causa aliqua dicitur agere immediate. (as) *Immediatione suppositi*, quando inter agens & patiens nullum aliud intercedit suppositum seu res fin-

singularis. (β) *Immediatione virtutis*, quando influit virtute propriâ in effectum. Utroque modo DEUS immediate concurrit, quia ubi virtus DEI, ibi ejus quoque substantia, siquidem propter absolutam DEI simplicitatem virtus divina à supposito non est distincta realiter. *Immediatione suppositionis* concurrevit DEUS, dum præsentia sua substantiali actioni à se dependenti realiter est præsens, quam immediationem Scholastici in dicta adessentia substantiali fundant. *Immediatione virtutis*, quia virtus per quam DEUS agit, non ab alio est ei communicata, sed est propria. Ex adverso, virtus creaturarum a DEO in prima omnium rerum productione ipsis est communicata, ita quidem, ut virtus creaturarum sit quoque DEI virtus, quantum ab ipso creaturis est communicata. Ex quo inferatur, quod nulla ex creaturis, si cum DEO conferatur, possit agere immediate *immediatione virtutis*, quia virtutem, qua producit effectum, non a se, sed a DEO habet dependenter. Cum verò DEUS dicitur concurrere immediate & agere cum creaturis, non potest id intellegi de actione immediata, exclusâ causa

efficiente secunda, qualis est creatio, ubi DEUS dicitur sine omni alio agente producere rem ex nihilo; sed intelligitur id solum ratione influxus, quemadmodum DEUS triplici modo agit *immediatè* 1. *ratione cause efficientis secundæ*, ut in creatione 2. *ratione cause materialis*, quando nulla præexistente materia ex nihilo aliquid producit. 3. *ratione influxus*, quando immediate effectus agentium creatorum comproducit. Et negare hoc, est erroreum in fide, dicit Exell. Svarez. Metaph. disp. 22. sect. 9. II. 7. Atque concurrit DEUS prædicto modo non solum ad actus creaturarum bonos, verum etiam ad malos, quicquid enim agit creatura, agit dependenter à DEO, adeoque sic objectum concursus Divini est omnis actus & operatio, omnis labor & conatus, cujuscunque sit rationis, sive substantialis sive accidentalis, sive naturalis sive libera, sive bona sive mala. De bonis res est aperta & in confessio apud omnes posita. Neque in malis pœnæ, eloquia DEI finunt nos dubitare, quæ certo afferunt. omne malum pœna immitti à DEO, adeo ut nullum sit in civitate malum, quod DEUS non

non facit. Amos 3, Etiam de malo mortali verificatur concursus DEI immediatus, *qua substantiam* actus (quam actionem ipsam ac *materiale* actuum malorum vocant) Quod vero concernit vitiositatem actibus illis adhaerentem (quam *actus* ac *formale* actuum malorum vocant) ad eam DEUS haudquam concurrevit, partim ob absolutam suam perfectionem, per quam fieri omnino nequit, ut DEUS in agendo deficiat adeoque sit causa defectus; partim ob voluntatem suam sanctissimam, qua in malitiam ferri prouersus nequit. vid. Celebr: Rudrauff: inst: Metaph: part. spec. c. 2. memb: 4.

§. V.

Nec consistit concursus DEI, præter influxum simultaneum cum causa secunda, in prævia quadam & antecedanea motione; quæ sententia est Thomistica & à Calvinianis mordicus defenditur, qui docent DEUM omnia cognoscere in decreto efficaci & determinatione, & vi hujuscce ipsorum hypoteseos, omnia quæcunque à nobis geruntur, volunt ex absoluta præordinatione esse derivata, imò ipsam

præscientiam DEI ex absoluto decreto pen-
 dere dicunt. *Sententia nostra hæc est*, dicit
 Heerbord. disp. sel. 9. *Non tantum in su-
 pernaturalibus sed & in naturalibus cau-
 se secundæ tum necessarie tum libera a-
 ctionibus*, *præter concursum simultaneum*
admittendus est prævius. At conceditur
 præmotio hæc vel excitatio in spiritualibus
 & extraordinariis operationibus quibus-
 cunque, de quo ita consummatissimus Ca-
 lovius syst. Theol. c. 3. p. 1205. quamquam
 negandum non sit, *DEUM quandoque mo-
 vere specialiter agentia sive naturalia si-
 ve libera, uti dicitur immutare & in-
 elinare corda principum*. Proverb. 21. v. 1.
 & adducit eò Scholasticos dicentes: *DEUM*
moveare voluntatem humanaam quandoque
efficaciter & quasi Physicè, vel imprimendo
qualitatem, secundum quam inclinetur
ad agendum aliquid & ingenerando bo-
nam cogitationem. Vel objectivè, præmon-
strando objectum, quod aut efficaciter possit
moveare voluntatem, aut presenti saltem
eius dispositioni sit congruum. Sed addit:
 nequaquam ramen addmittendum, quod
 DEUS semper moveat agentia sive natu-
 ralia sive libera, neque illa motio concur-
 sus

sus DEI baberi potest. Ita & Exell. Hülsem
 Brev. Ext. p. 42. §. 8. In actionibus ci-
 viliter bonis & subjectis irregeneratis concur-
 rit DEUS non solum per modum principiis
 & concursus communis ut in naturalibus,
 sed etiam per modum persuasionis externae
 per objecta sensibilia, & nonnunquam sug-
 gestiones honestarum cogitationum resul-
 tantium ex objectis propositis. Et p. 44. ne-
 que impedit naturales rerum motus per
 intrinsecam determinationem, nisi raro per
 miraculum quando creaturarum motus
 naturalis spontaneus ac liber fistitur at-
 que inflebitur. Atque sic conceditur qui-
 dem motus prævius I. in actionibus spi-
 ritualibus, quando DEUS præveniente sua
 gratia nos movet ad conversionem & pa-
 nitentiam ingenerando bonam cogitatio-
 nem, non tamen irresistibiliter, sed ut ho-
 mo possit resistere & moveri. 2. in civili-
 bus per modum suasionis & suggestionis
 efficienter & objective, sed absque necessita-
 tione 3. In actionibus miraculosis & ope-
 rationibus extraordinariis etiam ipsam in-
 differentiam voluntatis præcludentibus, ut
 Apostolus in miraculosa sui illuminatione
 & conversione non potuit resistere DEO.

Verum id negatur, quod concursus DEI generalis sit præmotio, quâ ordinarie & communiter cum omnibus causis secundis concurrit præmovendo, irresistibiliter præexcitando & ad unum necessitando, adeo ut ita moveatur & agat *causa secunda* morta, sicut securis morta ab artifice, brachium vel pes à voluntate; talis enim præmotio & prædeterminatio DEI ordinaria in omnibus actionibus causarum secundarum est falsissima & in DEI sanctitatem & justitiam injuria. Neque ullâ cogimur necessitate ejusmodi præmotionem circa concursum DEI generalem statuendi; nam posita virtute agendi in agente & recipiendi in paciente, cum cæteris ad agendum requisitis, ipsum agens sufficiens sit ad agendum, tamen si non ponatur istiusmodi præmotio. Et si daretur ea, quemadmodum insulte fingunt Thomistæ, nullus extiteret usus & exercitium libertatis in *causa secunda* intelligente, siquidem, stante illâ, quodvis agens creatum non posset non agere, quod agit, nec agere aliud, alio modo, præterquam quod, & quomodo de facto agit, cum certè ad id quod agit, ita esset prædeterminatum, ut huic

prædeterminationi contravenire non vale-
 ret. Ne urgeam, quod stante cā præde-
 terminatione, DEUS existeret auctor & cau-
 sa omnium peccatorum, ad minimum
moralis. Nam si DEUS ita voluntatem ad
 actus viciosos determinet & necessiceret, ut
 non possit non facere malum, illa mali
 perpetratio rectè imputetur DEO, cum
 perpetuum hoc sit, ubi in uno eodemque
 actu viciose concurrunt & liberum agens
 & necessarium, ut culpa redundet in a-
 gens liberum, non in necessarium; quia il-
 lud aliter potuit agere, hoc non. Quæ
 impia sunt & blasphemæ. Minimè tamen
 negari potest, DEUM extraordinariè &
 per absolutam suam potentiam, cuius nulli
 sunt limites, nulli fines, nostram volun-
 tam quoad ~~actum secundum~~ posse deter-
 minare in bonis, sive privative subtrahen-
 do prorsus concursum suum, sive positive
 per influxum efficaciem, quam ut ei re-
 sisti possit, sublatâ libertate contradic-
 tio-
 nis & contrarietatis, licet ceteroquin vo-
 luntas in se & actu primo maneat indif-
 fens & libera circa objectum. Ut si DEUS
 voluntatem nostram ita ad actum quen-
 dam determinaret, ut non posset aliter

velle, aliter agere *aet tu secundo*, non vellet
 vel ageret liberè, sed necessariò, adeoque
 periret quidem hic libertas quoad *actum*
secundum vel ipsam operationem, maneret
 tamen voluntas in se & quoad *actum pri-*
mum libera, siquidem voluntas est libera
 per essentiam, imo à parte rei ipsa liber-
 tas, unde fieri non potest, ut voluntas
 sit non voluntas, quod esset, si in se &
aet tu primo diceretur voluntas non li-
 bera, vel ex libera facta in se & *aet tu pri-*
mo necessaria. Potentiā autem ordinatā &
 quamdiu immotum stat hoc decretum, ut
 voluntas humana non nisi libere sit actu-
 ra, DEUS non potest eam necessitare,
 quia hoc implicat contradictionem, quod
 autem implicat contradictionem, DEO im-
 possibile dicitur, sicut impossibile est im-
 piros & incredulos salvari, stante decreto
 atque ordine, quod nemo incredulus sit
 salvandus. Absolute autem loquendo de
 potentia, nemo tam impius erit, qui non
 fatebitur nostram voluntatem ejus domi-
 nio & potentiz subjacere, adeo ut facile
 eam necessitare & varijs modis move-
 se possit.

§. VI.

Tantum abest, quod agentia creata, stante concurso divino communi & ordinario, determinentur à DEO, quin potius DEUS, tanquam causa indifferens, *Prima & universalis* determinatur ab agente creato *ceu causa particulari & secunda*, tam ad *exercitium* quam ad *specificationem actus*. Admittimus equidem determinabilitatem concursus divini, quatenus DEUS, quid coefficiendum sibi sit cum creatura, vel pro conditione ejus naturali, vel pro libera ejus determinatione, quasi exspectat. Quemadmodum Gregorius de Arimino in 1. sent. distin^a. 37. 9. 1. dicit. *DEUM sequi determinationem voluntatis, quoniam DEUS agit actum illum quia cum voluntas agit. Et ideo dicitur magis propriè DEUS coagere voluntati ealem actum causando, quam voluntas dicatur coagere DEO.* Cum enim a^{et}io *Causæ Prima* sit ubique illimitata & indifferens ad omnium rerum actiones concurrens, non potest dari ratio, cur DEUS concurrens cum homine non producat bovem, cum bove concurrens non producat hominem &c.

nisi quod se se accommodet naturæ creaturarum, quemadmodum statuerit & liberè decreverit, quotiescumque *causa secunda* sit actura, se non denegaturum suum concursum, quod dicitur determinati ad *actus exercitus*. Et vicissim, quando duo agen-
tia concurrunt, quorum unum est indiffe-
rens & indeterminatum, alterum autem
non indifferens, sed suâ naturâ determina-
tum ad certam actionis speciem, ibi de-
terminatum determinat indeterminatum
ut proveniat actio determinatae alicujus
speciei. v. g. Quando DEUS & homo con-
currunt in generatione, non generatur
bos vel ursus, sed homo, non quatenus
actio est à DEO, hæc enim ratio uestigie
universalis, est extendenda pariter ad o-
mnes alios effectus, etiam ad genera-
tionem bovis, ursi &c. Sed quia DEUS
cooperatur cum homine suâ naturâ de-
terminato ad productionem non bovis vel
ursi, sed hominis, ut si deinde proveniat
monstrum, sit hoc, non quia DEUS agit
& cum DEO *causa deficiens*, sed verè &
propriè, quia DEUS cooperatur cum ho-
mine defectu aliquo vel vito laborante,
quod est determinari ad *specificationem*
actus

actus. Ultraque tamen hæc determinatio ex parte *Causæ Primaæ* non involvit imperfectionem, siquidem determinatur *Causa Primaæ* dicto modo, non ex indigentia sed ex indifferentia, non ex impotentia, sed ex sua sapientia, providentia, & ordinacione, adeoque sic determinatio hæc non est *absoluta* & *simplex* tollens libertatem *Causæ Primaæ*, adhuc enim DEUS sese libertè ad tali modo agendum flexit & determinavit. Sed est *hypothetica* & *ordinata* ex suppositione suæ immutabilitatis, præsupposito scilicet illo æterno sapientia & providentia decreto, quod ad indigentiam *causæ secundaæ* cum ea concurrere & secundum ejus dispositionem & naturalem agenti facultatem agere velit. Nec tò determinare hic idem est ac compellere, necessitate & ponere limites ac terminos agenti. Sed tò determinare æqui pollet hic vocibus specificare, terminare, particulare (si ita loqui licet) i.e. ad certam & determinatam speciem redigere, itemque occasionem præbere agenti. Confer. Excell. D. Rudrauff Inst. Metaph. p. 866. Ueuc DEUS, modo quo innuimus dicitur determinari quoad *exercitium* & *specificatio-*

nem actus, nihilo tamen minus probabile
 videtur, creaturam vicissim à DEO (salvâ
 tamen & illæsâ agentis intellectualis crea-
 ti libertate) determinari quoad *actus in-
 diviuationem seu singularitatem*, non
 quidem positivè in voluntatem influendo,
 sed ad hunc actum & non aliud concurren-
 do, præsupposito, quod voluntas aliquem
 ejus speciei actum operari velit. Quo ipso
 voluntas DEI ad hunc actum & non ad
 aliud concurrere intendens, non est ab-
 soluta & Physicè determinativa, simpliciter
 quasi voluntatem trahens vel necessitans,
 sed hypothetica includens prædictam con-
 ditionem, quod velit operari & quidem ta-
 lis speciei actum. Nec infert hæc hypo-
 thesis, concursum DEI non servari pu-
 rum & immunem à turpitudine, quando
 concurrit cum actione vitiosa, quia dum
 voluntas sua abutens libertate, vult ope-
 rari actum legi dissonum & quidem talis
 speciei, perinde erit, sive DEUS, posita
 istâ voluntatis *ἀλεξία*, ad hunc singula-
 rem turpitudinis actum concursum suum
 præbeat & non ad aliud, sive ad aliud
 & non ad hunc ejusdem speciei, vitiositas
 enim actum comitatur, quatenus est actus
 talis

talis speciei, non quatenus est actus hic
 vel ille, est enim actio talis speciei, non
 quia est à DÉO, vel denominat DEUM,
 sed quia est à voluntate nostrâ, denomi-
 nans hominem. videat. Celeb. D. Ru-
 drauff: Inst; Moral. p. 68. Neque hoc ita
 capiendum est, quasi DEUS, dum concur-
 rit cum creatura, actui & effectui illius
 det saltem esse numericum, & creatura
 tantum esse specificum; quoniam enim
 realiter idem sunt esse actus & effectus nu-
 mericum ac specificum, sanè non potest non
 utrumque illud esse ab utraque causa ef-
 fectivè profici sci. Quin huc saltem redie
 assertum: Quod DEUS tanquam causa
 universalis concurrens cum creatura, hu-
 jus vel istius speciei actum & effectum cum
 creatura coifficiat, ipsam creaturam esse
 in causa. Quod vero creatura cum con-
 cursu DEI hunc numero actuim & non a-
 lium edat atque hunc numero effectum &
 non aliud producat, id creaturam à DÉO
 unicè habere. Confer, Clariss. Don. Inst.
 Pneum. p. 400. Hic dissertationis filum
 abrumpere svader & studium brevitatis &
 res angusta domi. nec dubito, quin B. L.
 eandem pro suo candore sic dextrè
 interpretaturus. sic
 MEDIATORI SEMPERNA LAUS!

In Eruditam ac succi plenam Dissertationem,
Viri Jovenis solissimae eruditionis nec non
integrioris vite laude conspicuus,

DN. MATTHIAE LIMNANDRI,
Amici sui ac conterranei mellitissimi,
SYLVA:

Unde oritur, miror nimium, LIMNANDER
amandus,

Humiferæ plantæ, quidve liquore madent?
Eius enim sudant laticem vestigia sacrum,

Haud lecus ac fluidas adcoluisse aquas.

Forte in Castaliis semet versaverat undis?

Quas habet adsertas solus Apollo sibi:

Quid? num dulcifluis, sacræ Libethrides ipsæ,

Mellicisque ulnis, te genuere suis,

Sanè hoc crediderim, namq; exulat ille Lyæus

Hinc mador, hic melior cernitur esse
liquor.

Quis non miretur tam mitia fata paludis,

Quæ censemur, jam riguisse gelu;

Quod saevæ nimis medio sub tempore brumæ

Præclarus sane, surgeret inde liquor.

Innuo, sed brumam sortis fortisq; malignæ,

Quæ placidis venis ponere septa solet;

Sic potis ingenti nec erat, pernobile flumen,

Frigore Rhiphaeо sistere bruma cui;

Hæc jā per vernos Zephyros quadantenus exul

Sortis per blandæ, quod tibi pignus erit.

quam deproperabat

GABRIEL J. THAUVONIUS, Nyl.